



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lvitprandi Ticinensis Diaconi Opvscvlvm, De Vitis Romanorvm Pontificvm**

**Liutprandus <Cremonensis>**

**Mogvntiae, 1602**

Cap. IX. S. Telesphorvs.

**urn:nbn:de:hbz:466:1-11115**

nem aduersus eos suscipiat. Item paulò inferius. Statuentes decernimus, omnes, qui sanctos Patres persequuntur, aut amouere vel dilacerare nituntur, manifestè infames esse, & alienos à limitibus Ecclesie vsq; ad satisfactionem fieri. Item in eadem inferius dicit; Similiter, si huiusmodi personis quadam scriptura quoquo modo per metum, aut fraudem, aut per vim extorta fuerint, vel ut se liberare possint quocung; ab eis conscripta vel laborata fuerint ingenio, ad nullum eis præiudicium aut nocumentum prouenire censemus, neque ullam eis infamiam, aut calumniam, aut à suis sequestrationem bonis unquam auctore Domino, & suis Apostolis, eorumq; successoribus sustinere permittimus, quia confessio in talibus non compulsa, sed spontanea fieri debet. Pessimum est enim de suspitione, aut extorta confessione quenquam iudicare. Præcepit & in eadem, vt in consecratione corporis & sanguinis Domini eius passio sit commemoranda. & vt aqua cum sale benedicatur, & in domibus fidelium aspergatur, & fidem sanctæ Trinitatis, sicut à Patribus acceperat, ita scripto suo nos edocuit. Hic ordinauit Episcopos 5. presbyteros 6. diaconos duos.

## CAP. VIII.

## S. SIXTVS.

A. CXXXII.

SIXTVS, natione Romanus, ex patre Pastore, de regione Viata. sedit ann. 10. menses 2. diem vnū. Fuit autem temporibus Adriani, vsq; ad Verum & Anniculū. Sub quib; & martyrio coronatur 3 Non. Aprilis. <sup>a</sup> Hic in decretis suis monendo præcepit fidem rectam, & ab Apostolis traditam inconcussè seruandam, qua ipse nos, scribēdo instruxit. <sup>b</sup> Præcepit etiam, vt sacra vasa non tangerentur, nisi ab hominibus ad hoc officium Deo sacratis. Hic constituit, vt quisque Episcopus aliqua aduersitate pulsatus licenter appellet Romanam & Apostolicam sedem, & illuc vocatus, venire non renuat. nec inde absque Apostolicis litteris ad propriam redeat, vt vicini sui ex hoc intelligant, qualiter ibi suam, aliorumque causam finierit. Constituit etiam, vt nemo Episcopū suis rebus exspoliet, aut à propria sede expulsus excommunicare, aut diiudicare præsumat. Hic ordinauit Episcopos 4. presbyteros 11. diaconos 3.

## CAP. IX.

## S. TELESOPHORVS.

B 3

TELE-

A. CXLII.

**T**ELSPHORVS, natione Græcus, ex anachoreta, sedit annos II. menses 3. dies 22. Fuit autem temporibus Antonini & Marci. Hic 4. nonas Ianuarii martyrio coronatur. \* Hic in decretis suis statuit firmiter, vt omnes clerici in sortem Domini vocati 7. hebdomadas plenas ante Pascha à carne ieiunent: & vt clerici nullatenus laicos in sua pulsatione, aut accusatione recipiant, sicut & ipsi laici iuxta secularem legem clericos in suis infamationibus recipere nolunt. Constituit etiam, vt in sancta nocte Natiuitatis Domini nostri Saluatoris Missa celebretur, & hymnus angelicus, id est, *Gloria in excelsis Deo* sollenniter decantetur. Reliquis autem temporibus ante horam diei tertiam Missam celebrari prohibuit, quia & ea hora Dominus crucifixus, & Spiritus sanctus super Apostolos descendisse legitur. Præcepit etiam omnes accusationes, quas seculi leges non admittant, ad accusationem Ecclesiasticam non admittendas esse. Hic ordinauit Episcopos 13. presbyteros II. diaconos 8.

\*<sup>2</sup> epist. ad omnes.

6. statuiimus. dist. 4.

De conf. dist. 1. e. nocte sancta.

3. q. 5. e. accus.

## CAP. X.

A. CLIV.

## S. HYGIVS.

\* Veri.

<sup>2</sup> ep. 1. ad omnes fideles.

2. q. 7. c. criminationes.

**H**YGIVS, natione Græcus, ex Philosopho de Athenis, cuius genealogiam non inueni. sedit annos 4. menses 3. dies 8. Fuit autem temporibus \* Seueri & Marci, à consulatu Magni & Camerini vsq; ad Orfitum & Prifeum, qui tertio Idus Ianuarii migravit ad Dominum. Hic composuit clerum, & distribuit gradus. <sup>a</sup> Hic in fide Christi nos instruxit multis & firmis documentis diuinæ scripturæ, ostendens, nec Patrem præcessisse filium, vt maior sit filio, nec filium postea natum, vt deitate Patris minor esset. Hic etiam constituit vt nullus Metropolitanus absq; cæterorum prouincialium præsentia aliquorum audiat causas Episcoporum, quia sic actæ irritæ erunt. Constituit etiam, vt maiorum natu criminationes non per alios fiant, nisi per ipsos, qui crimina intendunt. Qui etiam peregrina iudicia habenda prohibuit. Hic ordinauit Episcopos 6. presbyteros 15. diaconos 5.

## CAP. XI.

A. CLVIII.

## S. PIVS.

<sup>2</sup> ep. 2. ad Italicos.

**P**IVS, natione Italus, ex patre Rufino, frater Pastoris, de ciuitate Aquileia. sedit annos 19. menses 4. dies 3. Fuit autem temporibus Antonini, à consulatu Clari & Seueri. Qui 5. Idus Iulii factus est de medio. <sup>a</sup> Hic firmiter decretis suis statuit, vt omnis, qui præ-

dia di-